

## Gabii sa Pag-ampo

Ikonsiderar ang paghimo og tibuok gabii nga takna sa pag-ampo isip kabahin sa Napulo ka Adlaw sa Pag-ampo. Pananglitan, mahimo ka magsugod sa alas 6:00 sa gabii. ug motapus sa alas 6:00 sa buntag Pagpili ug panahon nga uyonan sa imong grupo.

### Nganong Gabii sa Pag-ampo?

Walay “balaan” sa pagpabiling nagtukaw ug pag-ampo sa tibuok gabii. Apan, ang gabii tingali mao ra ang oras nga ang mga tawo dili busy o magdali. Kami nagtuo nga ang imong katuyoan dili kinahanglan nga magtukaw sa tibuok gabii kondili mag-ampo kutob sa gikinahanglan ug hangtod nga imong giampo ang tanan nga imong gibati nga gusto sa Dios nga imong iampo.

Gisugyot namon nga daghang mga tawo ang manguna sa gabii. Siguroha nga adunay pipila ka mga pahulay. Isip usa ka lider, masayran nimo ang palibot ug mahibal-an kung kinahanglan ang pahulay ug kung kinahanglan nimo nga magpadayon sa sunod nga bahin sa pag-ampo. Mahimo usab nimong ilakip ang pagbasa sa mga teksto sa Bibliya sa imong oras sa pag-ampo. Mahimo nimong buhaton ang tanan nga gisugyot nga mga butang o pipila lang niini, depende kung unsa ang labing maayo alang sa imong grupo. Mahimo ni nga usbon ang han-ay.

### Posibleng Format para sa Gabii sa Pag-ampo

**Sugdi sa usa ka takna sa pagdayeg.** Dayega ang Dios sa imong mga pag-ampo ug pinaagi usab sa mga awit.

**Paggahin ug panahon sa pagsugid,** siguroha nga walay makababag sa Dios sa pagpamati kanimo. Hatagi ang mga tawo og panahon alang sa personal nga pagsugid ug adunay panahon usab sa corporate o tingub nga pagkumpisal. Awhaga ang katawhan sa pagkumpisal sa pribadong mga sala sa pribado ug sa pagsugid sa publiko lamang sa publikong mga sala. Sa Daniel 9:1-19 atong mabasa ang mahitungod kang Daniel, kinsa nagpataliwala ug sa dayag nagsugid sa mga sala sa katawhan sa Dios.

**Pag-ampo alang sa mga panginahanglan sa mga tawo nga anaa sa tigum sa pag-ampo.** Daghang mga tawo ang nasakitan o nanginahanglan sa pag-ampo, o pangita ug tawo nga nanginahanglan pag-ayo sa pag-ampo. Paghimo og circulo, pagbutang og lingkuranan sa tunga, ug dapita kadtong adunay espesyal nga hangyo sa pag-ampo sa pag-anha og tagsa-tagsa ug ipaambit ang ilang mga hangyo. Dayon libuti ang mao nga tawo ug ipaampo sa duha o tulo ka tawo alang sa iyang panginahanglan ug angkonon ang mga saad sa Dios.

**Bahina ang grupo sa duha.** Paampoa ang mga babaye sa usa ka lawak (uban ang babaye nga lider) ug ang mga lalaki sa laing kwarto (uban ang lalaki nga lider). Daghang personal nga mga panginahanglan ang dili angayan ipaambit sa tanan. Mas dali ang pagpaambit sa parehas nga gender.

Human sa inyong pagbalik, **pag-ampo alang sa mga panginahanglan sa inyong komunidad ug simbahan.** Paggahin usab ug panahon alang sa **world church requests** (nalista sa usa ka lain nga dokumento sa Ten Days of Prayer Materials. Ayaw batia nga kinahanglan ka magdali sa tibuok nga lista. Mahimo nimong bahinon ngadto sa gagmay nga mga grupo ug ipaampo sa matag grupo ang usa ka bahin sa lista.

**Pag-ampo alang sa listahan sa lima ngadto sa pito ka mga tawo** nga imong giampo sulod niining napulo ka adlaw.

**Pagpili ug usa ka teksto sa Bibliya ug pag-ampo pinaagi niini.**

**Tapusa ang oras sa pag-ampo pinaagi sa laing bahin sa pagdayeg ug pagpasalamat.**